

# Rituaalit

## Imai:

Rituaalit, siunnersuutit aaliangersimasuni naalagiarnerni atugassiat.

1. Morsutsitaaneq
2. Ilaginnut ilanngunneq
3. Nerliiviliarneq
4. Meeqqanik pilluaqqusineq
5. Inuusuttunik pilluaqqusineq
6. Katititsineq
7. Ilisineq
8. Kiffartornermut ivertitsineq
9. Oqaluffinnik atoqqaartitsineq
10. Pilluaqqusinerit
11. Ataatarpooq
12. Upperisamik nassuerut
13. Oqaluffiup ilinniutai



**Inuunerup nutaap oqaluffia  
2003**

## Morsutsitaanermi naalagiarneq

1. Tussiut (atisat taarserneqarnerani)
2. Qinnut
3. Morsutitsinermi Tussiut
4. Allassimaffinnik atuaaneq
5. Morsutitsineq pillugu ilinniartitaaneq
6. Erinarsoqatigiinneq
7. Morsutsitaasussat ilisaritinneqarnerat (Ilagiinnut atii tamaasa taallugit)
8. Morsutsitaasussat nassuernerat
9. Morsutitsineq
  - Morsutitsisussaq imermut aqqassaaq
  - Morsutsitaasussaq imermut aqqassaaq
  - Oqaatsimik ilaasut ilaat atuaassaaq
  - Morsutitsinermi rituaali
  - morsutitsineq
  - naleqquttunik erinalersorneq
10. Tussiut
11. Oqaluussineq
12. Tussiut
13. Morsutsitaasut assammik patinneqarlutik pilluaqquneqarnerat
14. Naggasiut  
Ilagiinnut ilaasortanngorneq pilluguô ilitsersuut takuuk

## Upperaarput

1. Guuti ataasiullunilu pingasuusoq.
2. Jiisusi Anersaaq illernartukkut ilumiugineqalersoq, niviaq Maariamit erniusoq, inuunera ajorteqanngitsoq, toqunera saammaannartitsisoq, ajugaalluni toqusunit makittoq, qilaliartoq piareersaallunilu suliuarnera, tikiuteqqikkumaartoq nunarsuarmilu ukiuni tuusintilinni naalakkersuiumaartoq.
3. Allakkat iluartut Guutiussutsip isumaanik akisussaassuseqarnera.
4. Inuup aserorluinnarsimassusia, allamillu isumataarnermik pisariaqartitsinera ernioqqissitaanissaalu Jiisusi Kristusimut uppernikkut tassaasoq Guutip ernerigaa.
5. Naassaanngitsumik tammarnissaq iivangiiliup annatsitaanissamik neqeroorutaanik asiginnaasunut.
6. Uppertup naapertuilluinnartuutinneqarnisaa iluartuutitaanissaalu Jiisusip saammaannartitsilluni toquneragut toqusunillu makititaaneragut.
7. Kristusip inassutigisaa allamik isumataarnerup kingornagut upperfigalugu imermi morsutsitaaneq, nerliivik tassaasoq pilliutaalluni toquneranik eqqaallugu nereqatigiinnerusoq.
8. Kuissut Anersaamik illernartumik taassumalu kingunerisai.
9. Periarfissaq saammaannikkut aniguisitaanissamik.
10. Anersaaq illernartup saammaannemit tunissutai ilagiit ineriartuutissarigaat.
11. Biibili tassaavoq tunngaviatigut pingaarnerpaaq. Taamaattumik taassuma imaa tamaat upperaarput imaatalu qinerneqarnissaa atorunnaartinneqarnisaa pinngitsoortinniarsaralugu. Ilagiinnut ilanngutsitaaguit suleqataasussanngorputit akisussaaqataalerlutillu, tamanna nalinginnaavoq ilisimassagakku tamanna qanoq pissuseqartoq.
12. Quleraarterutinik tunissutillu tunisineq.

## Upperisamik nassuerut

Asiginnarpara Djavulu suliaalu tamaasa qanoq issusialu tamaat.

Upperpunga Guutimut Ataamut ajugaqanngitsumut, qilammik nunamillu pinngortitsisumut,

Jiisusi Kristusimut ernituanut Naalakatsinnut,  
Ilumiugineqalersoq Anersaaq Illernartukkut,  
Niviarsiaq Mariamit erniusoq,  
Anniartitaasoq Pontius Pilatusi naalagaatillugu,  
Kikiattugaasoq toqusoq ilisaasoq,  
Toqusunut aqqartoq,  
Ullut pingajuanni toqusunit makittoq qilaliartoq,  
Guutip Ataataq ajugaqanngitsup talerpiata tungaani is-  
siasoq, tassangga tikiuteqqikkumaartoq inuusut toqusi-  
masullu eqqartuukkiartorlugit.

Upperpunga Anersaaq Illernartumut, ilagiinni iluartunut  
nalinginnarniittut, iluartut peqatigiinnerannut, ajortit  
isumakkiigaanerannut, uinngup makinnissaa inuunern-  
mullu naassaannngitsumut  
Amen

## Morsutsitaanermi rituaali

ö(Atit tamaasa)í í í í í í í í í

Naalakkatta Jiisusip Kristusip peqqusineragut illillu nammineq  
nassuernikkut allamik isumataarsimallutit upperalugu naalagar-  
put, morsutsippakkit Ataataq,

Ernerup Anersaallu illernartup aqqani!ö

## **Ilagiinnut ilaasortanngorneq**

Ilagiinnut ilaasortanngorneq morsutsitaanerup kinguinngua imaluunniit ilagiit katerinnerisa tulliani pisinnaavoq.

Ilaasortanngornermi rituaaleqanngilaq, ukuli malugineqarlik:

1. Taanna taakkuluunniit ilagiinnut ilaasortanngorniartut sassartinneqassapput ilagiit saavannut, ilagiinnullu ilisaritinneqassallutik. Imminnut oqaluttuarilaarsinnaapput.
2. Ilagiit siulersuisuata assammissavai ilagiit sinnerlugit tikilluaqqullugit.
3. Inuunerup Nutaap oqaluffiata öpperisamik nassuerutaanikö tunineqassapput.
4. Ilagiit siulersuisuata öpperisamik nassuerutö saqqummiussinnaava, suna iserfigilernerlugu paasisariaqarmassuk. (takuuk imm. 13)
5. Ilaasortanngorniartut sassaqqatillugit, ilagiit siulersuisuata ilagiit aperissavai ilannguttoq Naalakkami qatanngutitut ilassiumaneraat. (Pingaarpoq ilaasortat nutaat misigitinneqarnissaat tikilluaqqusaasut.)

## **Ataatarpooq! Matt 6,08 - 13**

Taamaattumik ilissi ima qinussaasi:

Ataatarput qilanniittutit!

Aqqit illernartitaali,  
naalagaaffiit tikiulli,

piumasat qilammisut nunamissaaq pili;

inuussutissatsinnik ullumi tunisigut,

akiitsukkatsinnillu isumakkeerfigitigut, soorlu uagut-  
taaq akiitsortivut isumakkeerfigivut;

ussernartumullu pisinnata,

ajortumilli annaatsigut.

Illimmi pigaatit naalagaaffik pissaanerlu naalannasserlu  
naassaanngitsumik!

Amen.

## **Pilluaqqusinerit il.il.**

### **Aronip pilluaqqussuta: (4 Mos 6,24 - 26)**

Naalakkap pilluaqqulisit sernigalutillu.

Naalakkap kiinnaminik qaammarsarlisit saammaallutillu.

Naalakkap isigilisit eqqissisillutillu.

### **Apostilit pilluaqqussutaat (2 Kor 13,13)**

Naalakkap Jiisusi-Kristusip saammaannerata Guutillu asanninnerata Anersaallu Illernartup ilagiissitsinerata najorlisi tamassi!

### **Isernermi pilluaqqussut 1 Kor 1,3**

Guutip Ataata Naalakkallu Jiisusi-Kristusip saammaallisi eqqissisillusilu!

### **Eqqisseqqusissut Fil 4,7**

Taava eqqissinerup Guutimit pisup siuneqassusernit tamani annerungaartup uummatasi eqqarsaatisilu sernigissavai Kristusi-Jiisusimi.

### **Aninermi pilluaqqussut**

Naalakkap pilluaqqulisit anisarninni isertarninnilu maannamit naassaangitsumillu!

## **Nerliiviliarneq**

1. Erinarsoqatigiinneq
2. Aallaqqaasiut  
Oqaaseq neriorsuutitalik atuarneqassaaq  
Naalakkallu nerliivianut tikilluaqqusineqassaaq.
3. Qinnut  
Nerliiviliartitsisoq, Guutip pilluaqqusineranik qinummiq qinussaaq.
4. Allassimaffinnik atuaaneq (1.Kor.all.10:16-17)  
öPilluaqqussutip ermusia pilluaqqusartagarput Kristusip aavanut peqatigiissutaannginnerpa? Timiusaq aggartagarput Kristusip timaanut peqatigiissutaannginnerpa? Timiusaq atasiummat tamatta timiuvugut ataaseq, tamatta timiusaq ataaseq neriffigigatsigu!ö
5. Nerliiviup pilersinneqarnerani oqaaseq (1.Kor.all.11:23-26)  
Naalakkamimmi uannut kingornussassiissutigineqarpoq ilissinnuttaaq ingerlateqqitara manna: Naalakkap Jiisusip unnuaq taanna pisitaagami timiusaq tiguaa, qujallunilu aggorpaa oqarlunilu: »Tassa timiga pillusi tunniunneqartoq; taamaliortaritsi uanga eqqaaniarlunga.«  
(Timiusaq avinneqassaaq ô puugutaasaq peqataasumut tunniunneqassaaq Kristusip timaa qujassutigineqarluni)

Taamatuttaa q nerereeramik ermuseq tiguaa oqarlunilu: »Ermuseq manna tassa uanga aakktu angerusisaaq, taamaaliortaritsi imeraangassiuk uanga eqqaaniarlunga.«

(Ermutsimit imerfinnut kuisineqassaaq peqataasut ilaanut pilluaqqutillugu)

Timiusamimmi tamatumingga nerisaraangassi ermutsimillu tamatumingga imeraangassi Naalakkap toqua nalunaajaatigisarparsi, tikiutserlugu.

**6. Oqaaqqissarutit (1.Kor.all.11:27-32)**

(Timiusap aggorneqarnerani oqaaseq oqaaqqissaarut atuarneqassaaq)

**7. Agguaaneq**

Timiusaq agguaanneqassaaq  
Ermut agguaanneqassaaq kingulliullugu.

**8. Naggasiut**

Oqaatsimik neriorsuutitalimmik atuaasoqassaaq imaluunniit qiimmassammik tuppallersaamilluunniit. Qinuneqassaaq qujaniummik.

**9. Tussiut.**

Erinarsorluni naggasiinermi periarfissiineqassaaq qulingaarutit tunissutillu naalakkap nerrivianut ilineqarnissaat.

**OQALUFFINNIK ILAGILLU ILLUINIK ILLER-NARTITSINEQ**

- Guutip ataasiullunilu pingasuusup aqqani, ataatap ernerup anersaallu illernartup aqqani, illernartipparput manna oqaluffik (illu)

Inissatut Guutimut ilagiissaanullu,

Guutimut ilagiissaanullu inersimasunut meeqqanullu utoqqarnut inuusuttunullu atugassatut,

Anersaap illernartup sulineranut

Guutip oqaasiata oqaluussissutigineqarneranut pisuusutai naapertorlugit,

Saqqummersitsivittut, Guutip saqqummersarfiatut ajortilinnut innuttaanullu iluartunut, naalannassusiata ersersarfiatut, nersorneqaranullu atugassatut.

**Qinnut:**

qinnut ukunannga ima qarli:

Qujaneq illu pillugu

Qujaneq ilagiit pillugit

Qujaneq ilagiit suliffissaatut pillugu

Qujaneq kiffartorneq pillugu

Qujaneq Anersaaq Illernartoq pillugu

Qujaneq oqaaseq pillugu

Qujaneq pilluaqqusineq pillugu

Ilagiinni kiffat ivertinneqarnerat (Diakon)

1. Allassimaffinnik atuaaneq.  
Ilagiit kiffatut ivertinneqarneranut peqqutaasoq atuarneqassaaq Ap.Sul.all. 6:1-7.
2. Diakon-i ivertinneqartussaq ilagiinnut sassartinneqassaaq.  
  
Piumasarineqartut diakon-imut atuarneqassapput Ap.Sul.all. 6:3 aamma 1.Tim.all.3:8-13.  
(vers 1-mit atuaasoqarsinnaavoq 1.tim.all.3:-mit)
3. Apersuineq:  
(Ateqí í í ..) akueraarput Guutip piumasaatut illit kiffartussasutit ilagiinnullu maani. Malugisimavarput kiffartuummut tassunga immikkoortissimagaatit, Periarfissinniarlutit ilagiit saavanni akuersinissannut:  
  
(Apeqqutit tamaasa apeqqutigineqareerpata Aapimik akineqassapput)  
  
-Ilimagivarput uummatinnik iluungarlutit oqalufiup upperisaa, ilinniutai pissusaalu akuersaaritit, ilumoorlutit ilagiinnut pisariaqartitaanni suliaassaanilu tamatigut peqataasassutit sapinngisat naapertorlugu.  
  
Maani Naalakkap ilagiissai utoqqaanersat aaqqisuussinerat naapertorlugit kiffartorumavit?

**Meeqqanik pilluaqqusineq**

1. **Tussiut**
2. **Allassimaffimmik atuaaneq** (Ev.Mak.all.10:13-16)
3. **Qinnut**
4. **Naatsumik ilinniartitsineq**  
Angajoqqaanut oqaaseq
5. **Meeqqamik pilluaqqusineq**  
Angajoqqaat meeraq sassaatisavaat, ilagiit siulersuisuata meeraq assamminik tigussavaa. Ilagiit nikuissapput.  
  
öAteqí í í í í - Guutip ataasiullunilu pingasuusup aqqani sassaappatsigit ilinnik pinngortitsisumut siunertaralugu pigiumallutit, pilluaqqussangaatit anersaakkut, tarnikkut timikkullu ullut inuuffigisassatit tamaasa.ö  
  
öNaalakkap pilluaqqulisit sernigalutillu. Naalakkap kiinnaminik qaammarsarlisit saammaallutillu. Naalakkap isigilisit eqqissisillutillu.
6. **Meeqqami qinnussineq**  
(Utoqqaanersat ilaata peqataasup, ilagiit siulersuisuata meeraq tigumiartillugu qinnutissavaa.)
7. **Angajoqqaat qinnunneqarnerat**  
(Utoqqaanersat ilaata peqataasup allap qinnutissavai)

8. **Meeraq ataataanut utertinneqassaaq**  
oqaasertalerlugu:  
öAjunngitsumik iliorpusi ernersi/panissi  
Naalakkap illuanut ornigukkassiuk,  
sapinngisassinnik periarfissat tamaasa  
ilagisarsiuk illumut, perorsarlugu Naalakkamik  
mianerinninissaanut, nalussanngilarsilu ilagiit  
tamatuminnga ikiorumaaraasi.ö
9. **Angajoqqaat immikkut pilluaqquneqassapput**  
allagartarlugu eqqaasitsissut immersorneqarsimasoq  
tunniunneqarluni.
10. **Tussiutô erinarsoqatigiilluunniit**  
(imaluunniit meeqqat erinarsortinneqarlutik)

Taava Guutip pilluaqqusinerata najorlisi, kiffartornis-  
sinni, aappariinnissinni ilaquassinni angerlarsimaffis-  
sinnilu.

**Ilagiinnut:**

Naalakkap ilagiissiminut tunissutinik pisariarqartitaanik  
tunisisup ullumi angut (arnaq) una ilissinnut utoqqa-  
nersatut tunniuppaa. Ilassiumavisiuk kiffartuutaa tunis-  
sititut pilluaqqusineralu?

(Aap)

Tapersorusuppisiuk, nulia ilaquataalu tamaasa qinnus-  
sisarnissigut tassuuna kiffartornera iluatseqqullugu?

(Aap)

**Akisussaaffik:**

(Ateq.....) Guutip pissarsuup kiinaata saani ilagiillu  
Naalagaata, Jisusi Kristusip aqqani, utoqqaanersatut  
kiffartornissamut maani ilagiit akornanni pissussaaffi-  
lerpakkit akuersinerit piumasarineqartullu naapertorlu-  
git!

**Qinnut**

(utoqqaanertut ivertinneqartoq nuliaalu seeqqummissap-  
put, taavalu qinnunneqarlutik.)

Ilagiit utoqqaanersaasa kaajallassavaat.



-Peqataajumavit Naalakkap ilagiivi illersussallugit sunniartanut takornartanut, oqaasiinullu malinnikku-sunngitsunut?

-Oqaatsimik kiffartornermi ilumoorumavit, tuppallersaallutit oqaqqissaarillutillu oqaaseq malillugu utoqqaanersaqatitit ataasioqatigalugit?

-Kristumiut akornanni ataasioqatigiinneq asanninnerlu sulissutigiumavigit periarfissinneqaruit?

-Utoqqaanersatut tusakkatit nipangiussimassallugit imminissarsiutigissanagulu neriorsuutigiumaviuk?

-Guutip ilagiinnut kiffartuutit ivertitai akisussaaffillit ataqqiumavigit naalakkumallugillu?

Akineqassapput:  
(Aap.)

Nuliaasumt:

Uiit tusarpat akuersisoq oqarluni Aap. Akisussaaffiini ikiorusuppiut tapersorsorlugu kiffartornerani pisariaqarfiagut?

(Aap)

## **Inuusuttunik pilluaqqusineq (Apersortinneq)**

Inuusuttut issiavinnut saarlernut ingitsinneqassapput

1. Tussiutô inuusuttunut
2. Tikilluaqqusineq
3. Qinnut
4. Allassimaffinnik atuaaneq
5. Naatsumik ilinniartitsineq
6. Tussiut
7. **Apersortinneq**  
inuusuttut sassapput ilagiit saallugit.
8. **Tamaasa immikkut qinnunneqassapput**  
utoqqaanersanit qinnunneqassapput.
9. Aronip pilluaqqussutaa
10. Biibilinik tunisinerit
11. Inuusuttut qinnunneqassapput
12. Oqaluussineq
13. Tussiut
14. Naggasiut

**Takuuk quppernerup tullia**

## **Imm. 4-nutô Allassimaffinnik**

### **atuaaneqô siunnersuutit:**

Qiimasaarniarit, inuusuttuusutit, inuusutsillutit, uummatit nuannaarniarli inuusunnerpit ulluini. Aqcutigiumasatit aqcutiginiakkut, isivillu alianaagisaat malillugit pisarlutit; eqqaamassavalli qanoq iliorninni tamani Guuti akisussaaffigissagakku. (Oqal 11,9)

Pinngortitsisit eqqaamarniaruk inuusuttuunerpit ulluini, ullut ajortut nalliutinnginneranni ukiullu ima oqaatigisavit pilinnginneranni: »Taakku nuannarinngilakka!« (Oqal 12,1)

Illimmi neriuffigaakkut, Naalagaq, inuusunninnilli qimarnguffigisarpakkut, Naalagaq. (Tuss 71,5)

Nukappiaraq ingerlavissamigut ingerlaannarnissaanut kajumissaaruk, utoqqaligaluaruniluunniit tamanna nigussanngilaa. (Uss 22,6)

Tusaagit Israeli! Naalagaq Guuterput, Naalagaq ataasiuvoq. Taamaattumik Naalagaq Guutit asassavat uummatikkut iluunngarlutit tarnikkullu iluunngarlutit nukitillu tamakkerlugit. Oqaatsit taakku peqqussutillu ullumi ilinnut tunniussakka aalajangiutissavatit. Erninnut nangeqqittuartassavatit eqqartortarlugillu angerlarsimatillutit issiasaraangavit, angalaartaraangavit, innartaraangavit makittaraangavillu. (5 Mos 6,4 - 7)

## **Utoqaanersamik ivertitsineq**

1. Allassimaffinnik atuaaneq  
1.Tim.all.3:1-7; Tit. 1:5-9 aamma  
1.Pet.All. 5:1-4 utoqqaanersaaneq pillugu ilinniar-titsineq, isumaa, annertussusaa akisussaaffiilu pil-lugit.
2. Utoqqaanersanngortussaq nulialu ilagiit saavannut sassassapput.
3. **Apersuineq:**  
(Ateqí í í ..) akueraarput Guutip piuma-saatut illit utoqqaanersatut kiffartussasutit ilagiin-nullu maani akisussaaqataalerlutit ullumikkut ka-teruussimasuni. Malugisimavarput kiffartuum-mut tassunga immikkoortissimagaatit, nalunngi-larpullu ilisimassummik pissaanermillu isumas-sannillu pisariaqartumik tuniumaaraatit kiffartor-nissanni.

Periarfissinniarlutit ilagiit saavanni akuersinissan-nut Naalagaq kiffartorfigerusullugu ilagiit akorna-ni utoqqaanersatut aperissavakkut:

(Apeqqutit tamaasa apeqqutigineqareerpata Aap-imik akineqassapput)

-Guutimut oqaasianullu upperpit, biibilip allanne-ra tunaaralugu, uummatinnillu iluunngarlutit akueriumaviuk INO-p upperisamik nassuerutaa allanneqarsimasoq?

Taava uagut inuusugut sulilu maaniittugut taakku ilagalugit nuissatigut aallarunneqarumaarpugut Naalagaq parsiarlugu silaannarmi, Naalagarlu najortuinnalissavarput. Taamaattumik oqaatsinik taakkuninnga tuppallersaqatigiinniaritsi.

1 Th 4,13 - 18

4. Ataatarpooq
5. Pilluaqqusineq  
(ass. Aronip pilluaqqussutaa)

Qanoq ililluni inuusuttup ingerlavini minguitsuutissinnaavaa? Tassa oqaatsitit maleruarunigit! (Tuss 119,9)

Inuusuttuususi, ima allaffigereerpassi: Nakuuvusi, Guutip oqaasia ilissinniittuartuuvoq, Ajortorlu artorsartissimavarsi. (1 Joh 2,14)

Jiisusip akivai: »Tammartajaarpusi Allakkat Guutilluunniit pissaanera nalugassigit. (Matt 22,29)

Kristusip oqaasia naamngaarluni ilissinni ineqarli. (Kol 3,16a)

Orlunissassinut sernissussallusi naalannarsutsiminullu sassartissallusi sapinngitsup, assuarnaatsuutillusi qiimmattartillusilu, kisimi Guutiusup Naalakkatsigit Jiisusi-Kristusikkut annatsisisitta pigai naalannassuseq ataqqinangaassuserlu, pissaaneq piginnaatitaanerlu pinngortoqanngikkallarmalli maannalu nassaanngilluinnartumillu! Amen  
(Juda 24 - 25)

## Katititsineq

1. **Isaatitsissut**  
(Inuit nikuissapput nuliassaq eqqunneqarpat)
2. **Ilassinnissut**  
öGuutip Ataata Naalakkallu Jiisusi-Kristusip saammaallisi eqqissisillusilu.ö (Gal 1,3)
3. **Erinarsoqatigiinneq**
4. **Allassimaffinnik atuaaneq (Siunnersuutit)**  
Asasagut katittut!  
Katersorsimavugut Guutip kiinaata saani ataasinngortikkumallusi aappariinnermi illernartumi Guutip ivertitaanut.  
Guutip ataata qilammiusup ilisimassutsimigut asanninnermigullu angut arnarlu katinnikkut ataasinngortittarpai, eqqaasikkumavassilu asuliinnaannginneranik illernassusianillu maanna neriorsoqatigiinnissi.  
Uani pingaartorsiornermi illernartumilu tamatta nikuilluta tusartigu Guutip ilissinnut oqaasiata eqqaasitsissutaa:  
Naalagarput Jiisusi oqarpoq: (Matt19,4-6)  
»Atuarsimannngilisiuk pileqqaarneranniit Pinngortitsisup angut arnarlu pinngortikkai oqarlunilu: 1Tamanna pillugu angutip ataata anaananilu qimassavai nulianilu attavigalugu, taakkulu marluk uinngussapput ataaseq? Taamaattumik marluujunnaarlutik uiniulissapput ataaseq. Guutimmi ataqatigiilersitai inuup avissaartissanngilai.«

## Ilerup eqqaani

(Ilerfik tikiunnermi malitsit tamarmik tikiuppata ilivermut aqqarneqassaaqö taava palasi ilivermut sassassaaq

1. Versi ataaseq erinarluunniit naatsoq atorneqassaaq
2. Issumeerineq  
öAteqí .anersaat maanna Guutimiippoq. Timit nunamut ilivarput
  - issumit pivutit
  - issunngorumaarputit
  - Issumilli makeqqikkumaarputitö

### Allassimaffinnik atuaaneq

ö..Pilluarput toqusut, maannamiit Naalakkami toqusut. Massami, oqarpoq Anersaaq, sulerulunermik kingorna qasueraassapput, suliamik malissammatik.«  
Saaq 14,13

Toqusunit makinnerup oqaasetai:

öQatanngutit, nalorneqqunngilassi sinippaartut pillugit, aliasussannginnassi inuttut neriuutissaqanngitsutut. Upprigatsigumi Jiisusi toqusoq toqusunillu makittoq, taava aamma Guutip sinippaartut Jiisusikkut ingerlatikkumaarpai taassumunnga ilagitillugit. Naalakkammi oqaasia tunngavigalugu manna ilissinnut oqaaseraarput: Uagut inuusugut sulilu maaniilluta Naalakkap tikiunnissaanik angumerinnikkumaartugut sinippaartunit siulliussannginnatta. Peqquserpalunneq inngiliunerullu nipaa Guutillu qarlortaassuata qarlortaralunna tutsiuppata Naalagaq nammineq qilammit aqqarumaarpoq, Kristusimiillutillu toqusut siulliullutik makikkumaarput.

6. Qinnut  
 Qinuniarta:  
 (Qinnutip imarisariaqarpai:  
  
 Guutip oqaasiata tuppallersaanera.  
 Qujaneq annassut, inuuneq naassaangotsorlu pil-  
 lugit  
 Qujaneq Kristusi Jiisusimi ajugaaneq pillugu  
 Qujaneq inuuneq maanna nunami kipsisamasoq  
 pillugu.  
 Qimagaasut qinnullugit.  
 Nalliusseqartorlu pilluaqqoqqullugu.  
 (Ilagiit ingissapput)
7. Erinasoqatigiinneq
8. Oqaluussineq  
 (Naggaserneqassaaq qinnummik naatsumik)
9. Erinasoqatigiinneq  
 (Akiartussat akiutip eqqaani piariissapput)
10. Anilernermi pilluaqqussut  
 (Katersorsimasut nikuissapput)  
 Naalakkap pilluaqqulisit anisarninni isertarninnilu  
 maannamit naassaangitsumilluö  
 (Illerfik anninneqassaaq)
11. Aniatitsissut

Apustili Paulusi allappoq:  
 Immissinnut naalatsigiteqatigiigitsi Kristusi  
 mianeralugu, nuliaasusi uissinnut naalatsigitillusi soorlu  
 Naalakkamut, uusoq nuliaminut niaquummat soorlu  
 Kristusi ilagiinnut niaquusoq timiminullu  
 annaassisuulluni.

Soorlu ilagiit Kristusimut naalatsigititaasut taamatut  
 aamma ilissi nuliaasut tamatigit uissinnut  
 naalatsigitissaasi.

Angutit, nuliasi asassavasi soorlu Kristusip ilagiit asagai  
 imminullu tunniulluni taakku pillugit  
 illernarsarumallugit eqqiarlugit imermik oqaatsikkut,  
 ilagiit imminut sassartinniarumigit  
 naalannassuseqartumik, ô ilagiit  
 simernitannguaqanngitsut, eqingasulinneqanngitsut,  
 illernartuusut sumilluunniit ippinnaateqaratik. Taamatut  
 aamma uiusut nuliatik asassavaat namminneq  
 timimittut. Nuliaminik asannittoq imminik asavoq.  
 Inuummi timini uumissunngisaannarpaa, kisianni  
 inuussutissittarpaa paaqqisarlugulu soorlu Kristusip  
 ilagiit taama pisarai. Timaanummi avataavugut.

Taamaattumik angutip ataatani anaananilu qimassavai  
 nulianilu attavigalugu, taakkulu marluk uininngussapput  
 ataaseq.  
 Ef 5,21 - 31

Kristusip oqaasia naammangaarluni ilissinni ineqarli.  
 Kol 3,16

öKamageqatigiigitsi isumakkeerfigeqatigiittarlusi-  
lu arlassinnut assuarliutissaqaraangassi. Soorlu  
Naalakkap isumakkeerfigigaasi taamatuttaa ilissi  
iliussaasi.ö  
(Kol 3,13 - 14)

Nanertuutigisassinnik ersoqatigiigitsi,  
taamaaliornikkut Kristusip inatsisaa  
naammassiumaarassiuk.  
(Gal 6,2)

Sumilluunniit isumakuluuteqarnaveeritsi,  
kissaatigisasil qanoq ittukkulluunniit Guutimut  
saqqummiuttarsigit qinullusi torlulallusilu  
qujallusilu.  
(Fil 4,6)

5. **Qinnut**
6. **Erinasoqatigiinneq**
7. **Oqaluussineq**
8. **Apersuineq**  
(Katittut nikuissapput)

*Palasi uissamut:*

Guutip pissarsuup kiinaata saani, najuuttullu  
uppernarsaasoralugit, aperivakkitt : (Uissap aqqi  
tamaasa)í í í ...illit (nuliassap aqqi tamaasa)  
í í saninni qeqartoq nuliassatut piumaviuk?ö

öToqu nungutinneqassaaq piujunnaarsivillugu.  
Guutillu Naalakkap isit tamaasa quillingiarumaarpai  
nunarsuarmilu tamarmi innuttani kanngunarsagaajun-  
naarsillugit. Naalagarmi taama oqaluppoq.ö Es 25,8

Naalagarput annaassiserpullu Jiisusi Kristusip oqaaser-  
qarpoq:  
öUummatisi annilaanngikkilit. Guutimut upperitsi, uan-  
nullu upperitsi. Ataagama illuani inissat amerlaqaat.  
Taamaanngippat oqarfigisimassagaluarnerpassi inissas-  
sinnik piareersaakkiartorlusi aallarniarlunga? Inissassin-  
nillu piareersaakkiartoreerussi tikiuteqqikkumaarpunga  
uannullu pisikkumaarlusi ilississaaq uanga najugarisan-  
neeqqullusiö Joh 14,1 - 3

Aamma

öQulliillu tamaasa isaannit allarterumaarpai, toqulu pee-  
rukkumaarpoq, aliasuttoqarunnaarlunilu nilliasoqarun-  
naarlunilu anniartoqarunnaassaaq siulliit peermata.  
Saaq 21,4

Toqu, ajugaanerit naak?

Toqu, iguutit naak?

Toqup iguutaa tassa ajorti, ajortillu pissaaneqaataa tassa  
inatsisit. Guutili qujanarsili ajugaatikkamisigut Naalak-  
katsigut Jiisusi-Kristusikkut! 1 Kor 15,55 - 57

## Ilisineq

1. Sianaartoqassaaq
2. Isaatitsissut
3. Isernermi pilluaqqussut:  
öGuutip Ataata Naalakkallu Jiisusi-Kristusip saammaallisi eqqissisillusilu.ö
4. Erinarsoqatigiinneq
5. Allassimaffinnik atuaaneq:  
öí í ..(Toqusup aqqa) Guutimut angerlarsimavoq, taava uagut illerfiata saani nikuilluta tusartigu Guutip oqaasiata tuppallersaanera ilinniartitsineralu:

Testamentitoqqami ima nalunaajaaffigineqarpugut:

öUagut siuaasavut assigalugit nunami maani kiinavit saani takornartaasutut nunasisutullu ippugut. Nunamimi maani inuunerput tarratut ippoqí ö  
1 Nal 29,15

Inuup inuunera ivikkatut ippoq, narsaatip naasuisut sikkertarpoq; anorip aqqusaalutorippani peerutissaq sumiissimagaluarnera nalunarsilluni  
Tuss 103,15 - 16

Nalunngilarali utertitsisiga uumasog, Job 19,25

Uissaq akissaaq:  
öAapö

Palasi Uissamut:  
öAsajumaviuk ataqqillugu, inooqatigalugu oqitsuni artornartunilu, Guutip pissarsuup atugassatut tunniukkumasaani, uiusup nuli inooqatigissallugu toqukkut avissaarnissarsi tikillugu?ö

Uissaq akissaaq:  
öAapö

Palasi nuliassamut:  
öIllittaaq aperivakkit : (nuliassap aqqi tamaasa) í í í ...illit ( Uissap aqqi tamaasa)í í saninni qeqartoq uissatut piumaviuk?ö

Nuliassaq akissaaq:  
öAapö

Palasi nuliassamut:  
öAsajumaviuk ataqqillugu, inooqatigalugu oqitsuni artornartunilu, Guutip pissarsuup atugassatut tunniukkumasaani, nuliaasup uini inooqatigissallugu toqukkut avissaarnissarsi tikillugu?ö

Nuliassaq akissaaq:  
öAapö

Palasi Katittunut:

öTaava tassuuna assamminniaritsi.ö

Palasip katittut assai patissavai oqarluni:

öMaanna immissinnut neriorsoqatigiikkassi inooqatigiikkumallusi aappariinnermi illernartumi Guutip najuuttullu saanni immissinnut assammillusi, taava nalunaarfigaassi aappariilivissutut Guutimut inunnullu.ö

öGuutip katititai inuup avissaartissanngilai.ö

9. Katittunik pilluaqqusineq qinnussinerlu  
(Katittut seeqqummissapput)

Pilluaqqussut:

Naalakkap pilluaqqulisit sernigalutillu.

Naalakkap kiinnaminik qaammarsarlisit saammaallutillu.

Naalakkap isigilisit eqqissisillutillu.

(4 Mos 6,24 - 26)

Katittut qinnunneqarnerat.

(Katittut ingissapput.)

10. Tussiut

11. Apustilit pilluaqqussutaat  
(Tamarmik nikuissapput)  
ö

12. Naggasiut (Postludium)  
(Katittut aniartussapput)

Eqqaamallugu.

Katittut oqaluffik qimatsinnagu katittut allattorsimaffianni atsioqqaarnissaa.